

Portal Sandžačke novine je objavio vijest pod naslovom:

ZUKORLIĆEVO POMIRENJE: Lider SPP-a pokušao izazvati krvoproljeće u Skupštini Grada!

U toj vijesti je između ostalog navedeno: „U pauzi današnje sjednice Skupštine Grada Novog Pazara došlo je do incidenata koji su izazvali aktivisti Stranke pravde i pomirenja i upošljenici Islamske zajednice u Srbiji koji su organizovano dovedeni na skupštinsko zasjedanje s očigledanom namjerom da se izazovu incidenti i krvoproljeće.“

Zatim je u drugom dijelu navedeno: „Kako Sandžačke novine saznaju, aktiviste SPP-a predvodio je Usame, sin lidera ove stranke Muamera Zukorlića“

Na portalu Sandzakhaber, čiji je vlasnik Kasim Zoranić je prijeneta vijest sa Sandžačkih novina pod drugačijim naslovom:

„ZUKORLIĆ pokušao izazvati krvoproljeće u Skupštini Grada! Muamerov sin, Usame Zukorlić, izazivač konflikta, u krupnom kaddru na fotografiji!“

Ove vijesti su objavljene sa ciljem da se od mene napravi legitimna meta za linč i fizičko ugrožavanje. Naime, ja sam predsjednik Sandžačkog udruženja novinara - SUN koje okuplja više od 20 novinara i medijskih radnika sa teritorije Sandžaka u Srbiji. Lično ne radim u ni jednom mediju, već sam novinar reporter koji objavljuje najviše reportaže sa putovanja. Rjeđe se bavim izvještavanjem o političkim temama. Ja sam sa svojim kolegama novinarima prisustvovao skupštini kao novinar. Sav događaj je snimljen uživo na video prijenosu na facebooku, gdje se svako može uvjeriti da nisam učestvovao u bilo kakvom incidentu na skupu, čak ni onda kada je mom kolegi novinaru Salahudinu Fetiću otet i ukraden mobilni telefon. Ovo nije prvi put da se putem medija vrši linč protiv mene.

Postoji osnovana indicija da mi objavljene vijesti, osim narušavanja ugleda i časti, mogu ugroziti bezbjednost i slobodu kretanja.

Dokaz uživo video prijenos na socijalnoj mreži Facebook, gdje je nemoguće da se utice na vjerodostojnost video materijala:

<https://www.facebook.com/sandzak.televizija/videos/277622006420563/?t=0>

Dokaz da iza portala Sandzakhaber stoji pomenuti Kasim Zoranić možete naci na arhivi Whois baze:

<https://sandzakhaber.net.cutestat.com/>

Zahtijevam da pomenuti portal obriše vijest i uputi javno izvinjenje za linč i klevete koje su iznijeli, u suprotnom ću tražiti odštetu pred nadležnim sudom.